

文411
865
28



詞綜補遺卷十八

長洲陶樑



元詞六十三首

趙雍 十七首

王國器 三首



曹居一 一首

趙淇 一首

趙興仁 六首

張林 三首

王奕 四首

劉壘 二十四首

陳櫟 一首

胡炳文 一首

白无咎 一首

石民瞻 一首

趙

雍 字仲穆孟頫仲子以蔭守昌國海寧二州歷官翰林院待制

仲穆自跋云延祐六年春正月寄呈德璉姊
丈一觀冀改抹幸甚書于大都成宜里之寓
舍

文徵明跋趙侍制風流習尚不減魏公而詩
文不傳間見于卷軸間不過單詞數言而止
未有若此卷之富者楷行間作轉益妍美後
云書奇德璉姊丈蓋魏公長倩王國器也國
器長於今樂府楊鐵崖亟稱之故此卷所書
樂府為多豈亦因其所好耶
許初跋趙仲穆書克紹松雪家學時能亂真
此卷尾非署名及與姊丈德璉云云殆以乃
翁目之矣所書凡卅五首而艷詞特多或偶
興爾間如江城子水調歌頭二闕以孤忠
自許紛華是薄而興亡骨肉之感賦其中
意其父子之仕當時亦容有不得口者良可
悲已

按仲穆所書橫卷詩十八首詞十七闕近時
長塘鮑氏刊入知不足齋叢書名趙待制遺
稿並稱顧氏秀野堂元百家詩正從此卷乘
獲但其詩尚有遺者詞則更有所不暇及茲

從鐵網珊瑚得王德璉詞因并錄之以誌吳
興一時人物之盛

玉耳墜金環

卽燭影搖紅

乳燕交飛曉鶯輕轉花深處畫堂簾幙捲東風晴雪飄

香絮猶記當時院宇悄寒輕梨花暮雨繡衾同

雙敲綠窗低語 春已闌珊落紅飄滿西園路強拈鍼

線解春愁只是無情緒無奈年華暗度黛眉顰柔腸萬

縷章臺人遠芳草和烟萋萋南浦

浣溪沙

楊柳樓臺鎖翠烟楊花簾幙撲香綿佳人何處隔江山

芳草已生千里恨玉笙吹徹五更寒夜深和淚倚闌

千

又

落盡楊花滿地春綠陰如淬靜無塵日長庭院掩重門
斜墜金釵雲半鞦淡妝香臉粉初勻相思偏是少年
人

憶秦娥

春寂寂重門半掩梨花月梨花月芳心如醉暗思當日
金釵欲墮烏雲側佳人望斷天涯客天涯客今年又
過清明寒食

踏莎行

畫角聲殘金爐烟裊長空澹澹連芳草朱簾半捲晚霞
明塞雁無情音信杳雨散雲收離多會少相思真箇
令人老不須惆悵且開懷一尊滿引愁如掃

攤破浣溪沙

春草萋萋綠漸濃梨花落盡晚來風試問相逢何處好
小樓東朱箔影移無限恨玉簫聲轉曲將終獨倚闌
干誰是伴月明中

蝶戀花

顏色如花膚似雪嬌眼傳波密意曾低說羅帶同心愁
未結情多不忍成輕別別後相思心更切異日重逢

鏡裏花難折寶篆香消烟漸歇玉簫吹徹黃昏月

浣溪沙

翠鎖蛾眉別恨濃羅衣初試怯春風相思只爲兩西東
下簾捲玉鉤雲淡淡香消金鴨雨濛濛此情都在不言

中

蝶戀花

枝上流鶯千轉巧好夢方成又把人驚覺臨鏡慵
淡掃羅衣寬盡腰肢小別久啼多音信少應似嬌波
不似當年好簾捲東風深院悄落紅滿地和芳草

南鄉子

別久漸生愁知有音書苦未收此際多情應盼我凝眸
帶得啼痕上小樓舉止忒風流只在城南淶水頭
尺藍橋重欲見無由兩地相思甚日休

人月圓

人生能幾渾如夢夢裏奈愁何別時猶記睽盈秋水淚
濕春羅綠楊臺榭梨花院宇重想經過水遙山遠魚
沈雁杳分外情多

相思何日重相見山遠水偏長鳳簫雖斷鸞膠難接愁
滿離腸最傷情處鮫綃遺恨翠靨留香故人何在濃

言終不道卷十一
陰深院斜月幽窗
江城子
仙肌香潤玉生寒
悄無言
思綿綿無限
柔情分付與青
山青鳥能傳雲外信
憑說與帶圍寬
花梢新月幾時
圓再團圓是何年
可是當初真箇兩無緣
極目故人天際遠
多少恨凭闌干

又

五陵衣馬恣輕肥
競新奇
亦何爲混處賢愚
誰是辨雄雌
任爾刺天何足道
終不肯羨羣飛
燕山花落暮春時
杜鵑啼勸誰歸
耿耿孤忠惟有此心知
天賦我才還

有用應不至負心期

燭影搖紅

新綠成陰落紅如雨
春光晚當年誰與種
相思空羨雙飛燕
寂寞幽窗孤館
念同游芳郊秀苑
香塵隨馬細草承輪
都成腸斷
別久情深幾時相約
閑庭院高樓終日捲珠簾
極目愁無限
莫恨藍橋路遠
有心時終須再見
休教長怨鏡裏孤鸞
篋中團扇

蘇軾水調歌頭

春色去何急
春去尙微寒
滿地落花芳草
漸覺綠陰圓
馬足車塵情味暑
往寒來歲月擾擾
十餘年贏得朱顏

老孤負好林泉 寶裝鞍金作鞵玉爲鞭須臾得志紛
華滿眼縱相謾功名自來無意富貴浮雲何濟於我亦
徒然萬事付一笑莫放酒杯乾

木蘭花慢

恨匆匆賦別回首望一長嗟記執手臨流遲遲去馬浩
浩平沙此際黯然腸斷奈一痕明月兩天涯南去孤舟
漸遠今宵宿向誰家 別來旬日未曾過如隔幾年華
縱極目層崖故人何處淚落蒹葭聚散古今難必且乘
風高詠木蘭花但願朱顏長好不愁會少離多

王國器

字德璉號筠庵吳興人趙孟頫婿蒙之父

菩薩蠻

題大癡畫意

青山不趁江流去數點翠收林際雨漁屋遠模糊烟村
半有無 大癡飛醉墨秋與天爭碧淨洗綺羅塵一巢
棲亂雲

踏莎行

爲性初徵君題破窻風雨圖

潤逼疎林寒侵芳袂梨花寂寞重門閉檢書翦燭話巴
山秋池回首人千里 記得彭城逍遙堂裏對牀夢破
簷聲碎林鳩呼我出華胥恍然枕石聽流水

前調

賦謝氏巫峽雲濤石屏

雪練橫空箭波崩岫女媧不補蒼冥漏何年鑿破白雲

言終補遺卷一
根銀河倒瀉驚雷吼 羅帶分香瓊纖擎酒銷魂桃葉

烟江口當時樓上倚闌人如今恰似青山瘦

曹居一

字通甫又號聽翁自稱南湖散人太原人金末登進士第仕元為行臺員外郎歸潛志志李子遷介特自守為麻知幾雷希顏所重若侯季書雷伯威王飛伯杜仲梁曹通甫輩皆以兄事又元遺山集有送曹吉甫兼及通甫詩

木蘭花慢

白蓮

見草堂詩餘

愛幽花帶露映曉色淡秋塘恨太華峰高廬山社遠身
世想妨誰知半溪烟景且乘閒華髮照滄浪羨殺風標
公子一生何限清香 仙家搖曳水雲鄉高韻却濃妝
看脈脈盈盈何消解語已斷人腸呼童更須沽酒待夜

深和月捲荷觴明日醒來信筆新聲付與秋娘

趙淇

字元建葵次子宋末直龍圖閣廣南東路發運使加右文殿修撰尚書刑部侍郎元至元間行省承旨署廣東宣撫使入見世祖拜湖南道宣慰使卒贈湖廣行省參知政事追封天水郡公諡文惠有文集二十卷

謁金門

見絕妙好詞

吟望直春在闌干咫尺山插玉壺花倒立雪明天混碧
曉露絲絲瓊滴虛揭一簾雲濕猶有殘梅黃半壁香
隨流水急

趙與仁

字元父號學舟宋宗室世系表燕王德昭十世孫希挺長子入元為辰州教授

同宗補遺卷一

蘋洲漁笛譜戲次趙元父南樓令韻云好夢
不分明楚雲千萬層帶圍寬愁損蘭成玉杵
元霜纔咫尺青羽信便沉沉水調夜樓清
清宵誰共聽研箋紅空賦傾城幾度欲吟吟
不就可煞是沒心情

醉春風

見樂府雅詞拾遺

陌上清明近行人難借問風流何處不來歸悶悶悶回
雁峯前戲魚波上試尋芳信夜久蘭膏燼春睡何曾
穩枕邊珠淚幾時乾恨恨恨惟有窗前過來明月照人
方寸

柳梢青

落桂

見絕妙好詞

露冷仙梯霓裳散舞記曲人歸月度層霄雨連深夜誰

管花飛金鋪滿地苔衣似一片斜陽未移生怕清香
又隨涼信吹過東籬

琴調相思引

冰箔紗簾小院清晴塵不動地花平昨宵風雨涼到木
犀屏香月照妝秋粉薄水雲飛珮蕩絲輕好天涼夜
閒理玉鞞笙

西江月

夜半河痕依約雨餘天氣冥濛起行微月遍池東水影
浮花花影動簾櫳量減難追醉白恨長莫盡題紅雁
聲能到畫樓中也要玉人知道有秋風

柳絲搖露不結蘭舟住人宿溪橋知那處一夜風聲千
樹曉樓望斷天涯過鴻影落寒沙可惜些兒秋意等
閒過了黃花

好事近

春色醉茶蘼畫永篆烟初絕臨水楊花千樹盡一時飛
雪穿簾度竹弄輕盈東風老猶劣睡起憑闌無緒聽
幾聲啼鴉

張

林

字去非號樗巖至大金陵新志張林池州守大軍至迎降

柳梢青

燈花

見絕妙好詞

白玉枝頭忽看蓓蕾金粟珠垂半顆安榴一枝濃杏五
色薔薇何須疊鼓聲催銀缸裏春工四時却笑燈蛾
學他蜂蝶照影頻飛

唐多令

金勒控花驄故山雲霧中翠蘋洲先有西風可惜嫩涼
時枕簟都付與舊山翁雙翠合眉峯淚花分臉紅向
尊前何太匆匆纔是別離情便苦都莫問淡和濃

柳梢青

題金陵烏衣園

見景定建康志

燕里花深鷺汀雲淡客夢江臯日日言歸淮山笑我塵
鎖征袍幾回把酒憑高闌干外魂飛暮濤只有南園

言終補遺卷十八

一番風雨過了櫻桃

王奕 字敬伯玉山人自號玉斗山人宋亡又號至元逸民入元官本邑教授有東行斐稿三卷

附詞 西江詩話載敬伯送謝疊山先生北行云皇天久矣眼垂青盼盼先生此一行遺表不隨

諸葛死離騷生伴屈原清兩生無補秦興廢一出仍關魯重輕白骨青山如得所何須兒

女哭清明 按奕寄周月湖云起觀疆宇皆周土只有西山尚屬商雖食元祿尚以宋遺民自况也

賀新郎 僕過魯自葛水買舟至維揚又自維揚買舟至孔林登泰山復還淮楚盡江山所歷之妙真所謂茲行冠平生者也

有客過東魯自葛水泛舟西下帆開三楚萬里湖光磨

水鏡五老落星烟渚又飛過三姑門戶彭澤柳青新舊

色望九華依約池陽路風雨廟烏江羽 蛾眉牛渚皆

如故問緣何澹港汀洲江聲無語采石書生勲業在公

子錦袍何處流恨下秦淮商女多景樓頭吟北固笑平

山堂裏誰為主且爛飲瓊花露

醉醒瓊花露買扁舟召伯津頭向秦郵去流水孤村鴉

萬點回首少游斜樹又著訪山陽酒侶細剔留城碑蘇

看上歌臺一嘯江東主望鳧繹過鄒魯 孔林百拜瞻

瑩墓歷曲阜少皞之墟大庭之庫竟涉汶河登泰岱夜

司宗甫畫卷十八

半清光元圃迤邐問東平歸路口塚黃花吟笑罷下新
州醉白樓頭賦復淮楚尋故步

醉江月 和辛稼軒金陵賞心亭

英雄老矣對江山莫遣淚珠成斛一筵西風休掩面白

浪黃塵眯目鳳去臺空鷺飛洲冷幾度斜陽木欲書往

事南山應恨無竹寧是商女當年後來腔調拍手銅

鞦曲偃蹇老松雖拗面猶逞一枰殘局烏巷垂楊鵲橋

野草今為誰家綠賞心何處浩歌歸卧梅屋

臨江仙 和元遺山題揚州平山堂

二十四橋明月好暮年方到揚州鶴飛仙去總成休裏

陽風笛急何事付悠悠幾闋平山堂上酒夕陽還照

邊樓不堪風景重回頭淮南新棗熟應不說防秋

劉堽 字起潛號水村南豐人宋季隱居不仕入元以薦官延平教授有水雲村吟藁十二卷詞

附

吳澄劉起潛墓表起潛幼孤事母篤孝樂為義舉厚朋友卹貧困拯人於患難心之所至不顧己力如何研經究史網羅百氏文思如湧泉所著有經說講義水雲村泯稿思華錄哀鑑隱居通議凡百三十五卷

符遂劉水村先生傳稱為西理坊人所居鄰安禪寺與溪邊水雲日接因名水雲村遂自號水邨年三十七宋亡時多死節之臣恐名

行不傳作補史十忠詩年五十六以明經秀才薦任本郡學正踰七十升延平儒學秩滿

受代諸生私留受業三年乃還卒於延祐已未壽八十

湘靈瑟

故伎周懿葬橋南

酸風冷冷哀笳吹數聲碎雨冥冥泣瑤英

花心路美

蓉城相思幾回魂驚腸斷墳草青

按歷代詩餘及詞譜詞律前人詞集此調

均不載

醉思仙

黃南山縣寄所寓

瓊樓幾間瑤徽幾彈覓花聲繞回闌悄微聞佩環

簾

權書閑鑪薰晝殘午風搖曳屏山露裙紅一斑

按此調與劉過

醉太平詞同

點絳脣

風捲游雲梨花夢冷人何處一溪烟雨遮斷垂楊渡

恨入琴心能寫當時語愁無緒淚痕紅蠹猶帶香如故

浣溪沙

道情

已斷因緣莫更尋尋時煩惱不如心從今休聽世間音

鸞夢漸隨秋水遠鶴情甘伴野雲深隔樓花月自陰

陰

菩薩蠻

題山館

長亭望斷來時路樓臺杳藹迷花霧山雨隔窗聲思君

魂夢驚 淚痕侵縟錦閑却鴛鴦枕有淚不須垂金鞍

明月歸

和詹天游

故園青草依然綠
故宮廢址空喬木
狐兔穴巖城悠悠
萬感生
胡笳吹漢月
北語南人說
紅紫鬧東風
湖山一夢中

謁金門 題建昌城樓

雲薄薄人靜
梅黃院落
細數花期
并柳約新愁
沾一握
夢醒從前多錯
寄恨畫檐
靈鵲明月欲西
天寂寞
魂消連曉角

又 慶彭教任滿

花霧煖紅逗海棠
開半瓊
坐談經春四換
今朝官正滿
好上鼇坡虎觀
好近御屏香案
休笑吾儂行色
緩待

君來作伴

又 臨汝有歌者稍慧咸淳中嘗與吟朋夜醉其樓對予唱賀新郎詞至劉郎正是當年少更那堪天教賦與許多才調之句笑謂予曰古曲兒今日恰好使得予因此意作小調題壁明日遂行後二年再訪之壁間醉墨尙存而人已他適矣然舊詞多有見之者姑錄于此

眉月小紅燭畫樓歌繞唱到劉郎頻笑道古詞今恰好
深夜銀屏香裊明日雕鞍塵杳一餉春風容易曉
三生思不了

洞仙歌 大德壬寅秋送劉春谷學正

津亭折柳正秋光如畫
繞路黃花擁朝馬
歎市槐景淡池藻波寒
分明是三載春風難捨
人軍峯天際碧雲隔

詞綜補遺卷十八
空同無奈相思明月夜薇藥早催人應占先春休如我
醉眠水邊林下待來歲今時慶除書繡錦映宮花玉京

隨駕

蘇軾詞 大蘇王寅林巖隱春谷舉五

主恩西湖明月引

用白雲翁韻送客游行都

江村烟雨暗蕭蕭漲寒潮送輕橈目斷京塵何日聽鸞
簫金雀觚棱千里外指天際碧雲深魂欲飄薰鑪炷
愁烟盡消酒孤斟與誰招滿懷情思任吟箋賦筆難描
惆悵山風吹夢老秋宵綠漾湖心波影闊終待到借垂
楊月半橋

意難忘

咸淳癸酉用清真韻

汀柳初黃送流車出陌別酒浮觴亂山迷去路空閣帶
餘香人漸遠意淒涼更暮雨淋浪悔不辦窄衫細馬兩
兩交相春梁語燕猶雙歎曉窗新月獨照劉郎寄箋
頻誤約臨鏡想慵妝知幾夢惱愁腸任更駐何妨但只
憐綠陰匝匝過了韶光

陸六么令

雲舍趙使君同賦

曉來寒角吹起愁相觸亂雲黯淡江渚疏柳雙鴉宿錦
瑟銀屏何處花霧翻香曲柔紅嬌綠魂消往夢羞向孤
梅說幽獨
胭脂曾印素袂絳豔收殘馥頻問訊道新
來悶損纖腰束多謝芳心倦戀羅結文鴛蹴前歡誰卜

雲箋封蠟就寄相思恨盈剝

滿庭芳 春日過城東舊游

簾捲疏櫺樓平危堞幾回筍玉凭闌覓花呼酒更共理

哀彈暖日柔風好景行雲繞鶯燕翩翩誰知道台游重

到已賦解連環 乘雲何處去花深隔院應恨春閒但

紫騮嘶度時望重關長恨江樓柳老女郎腰又負眠三

東城路一回一感愁見月兒彎

天香 次韻賦牡丹

雨秀風明烟柔霧滑魏家初試嬌紫翠羽低雲檀心運

粉獨冠洛京新譜沈香醉墨曾賦與昭陽仙侶塵世幾

經朝暮花神豈知今古 愁聽流鶯自語歎唐宮草青

如許空有天邊皓月見霓裳舞更後百年人換又誰記

今番看花處流水夕陽斷魂鐘鼓

燭影搖紅 月下牡丹

院落黃昏殘霞收盡廉纖雨天香富貴洛陽城巧費春

工作自笑平生吟苦寫不盡此花風度玉堂銀燭翠幄

畫闌萬紅爭妒 那更深宵寒光幻出清都府嬌娥跨

影下人間來按紅鸞舞連夜杯行休駐生怕化彩雲飛

去酒闌人靜月淡塵清曉風輕露背前夢豈敢教寒

長相思慢 客中

露隔平林風欺敗褐十分秋滿黃華荒庭人靜聲慘寒
蛩驚回羈思如麻庾信多愁有中宵清夢迢遞還家楚
水繞天涯黯銷魂幾度棲鴉對綠橘黃橙故園在念
悵望歸路猶賒此情吟不盡被西風吹入胡笳目極黃
雲飛度處臨流自嗟又斜陽征鴻景斷夜來空信燈花
原註景定壬戌水村與傅幼安自得同客于建昌太守
錢侯應孫郡齋水村有母故云目極黃雲飛度處臨流
自嗟

選冠子

贈歌者入閩用月巢韻

暝藹迷紅水天籠曉帆去野潮聲急離鸞獨倚巧燕雙
飛忍向東風飄折塵消紫曲闌干箏雁沈聲頓成孤臆
嘆舟回人遠鈿花薊澤悄無痕迹顛顛損俊賞杜郎
多情荀令欲寫別愁無力閩星南轉江月西沈空擬夢
來今夕古驛荒村誰憐膩粉風侵鬆蟬雲濕但斷魂烟
浪癡看橋西落日

惜餘春慢

春雨

玉勒絲鞭采旗紅索總向愁中休了偏憐景媚爲甚愁
濃都爲雨多晴少桃杏開到梨花紅印香泥綠平幽沼
也無饒紅藥殿春更作薄寒清峭塵夢裏暗換年華
東風能幾又把一番春老鶯花過眼蠶麥當頭朝日濃
陰籠曉休恨烟林杜鵑只恨啼鳩呼雲聲杳到如今煖

藹烘晴滿地綠陰芳草只與秋秋
與沈潤子鄧元實同賦

買陂塘

與沈潤子鄧元實同賦

暮雲沈淒淒花陌荒苔青潤鴛鴦嬌紅一捻不勝春苦
雨酸風僝僽從別後但暗憶娉婷幾把垂楊蹂香銷韓
裊念鶯燕悲吟鳳鸞僊去空負摘花手銅鋪掩窺見
文窗依舊箏琵琶塵黯絃絢欲圓春夢今猶未怪得西飛
太驟凝佇久擬待倩鴻都羽客尋仙偶青衫濕透歎玉
骨沈埋芳魂縹渺何處酌尊酒

又

兵後過舊游

倚樓西西風驚鬢吹回塵思蕭瑟碧桃影下驂鸞夢十

載雲沈雨隔空自憶漫紅蠟杏箋難寫舊悽惻烟村水
國欲閑却琴心蠹殘篋面老盡看花客河橋側曾試
雕鞍玉勒如今已忘南北人間縱有垂楊在欲挽一絲
無力君莫拍渾不似年時愛聽酒邊笛湘簾巷陌但斜
照斷烟淡螢衰草零落舊春色

賀新郎

催花呈趙雲舍

辦著春游費奈狂風吹寒禁定滿城花事天暝雲深時
度雨院落秦箏未試倩誰趨杏嬌桃媚韶色三停今過
一只淡黃楊柳裝愁思芳徑滑繡窗閉玉鑪悶炷香
溫被憶去年匆匆勝賞夢沈烟水遙望秋千新綵索難

把舊痕重繫待煖入香紅十里別擁雙鸞迎素月教明
年不恨今顛顛鶯共燕汝知未

又 答趙清逸見寄韻

莫笑劉郎老老劉郎平生不是山林懷抱夢裏風雲翻
海嶽覺後狂歌墜帽嘆幾度荒雞誤曉天際晴雲開五
色縱中年意氣猶年少機事遠有時到 凱歌檄筆憑
誰道對村中一溪流水半林斜照賴有可人堪話舊時
共掀髯絕倒也來問袞衣茸口聊且問天占百歲看乾
坤此事如何了腸斷處春城草

又

醉裏江南路問梅花經年冷落幾番烟雨玉骨冰肌終
是別猶帶孤山瑞露想醞藉和羹風度萬紫千紅嫌如
早羨仙標豈比人間侶聊玩弄六花舞 雲寒木落山
城暮忽飄來晴香萬斛春浮江浦茅舍竹籬詞客老擬
傍東風千樹看好月亭亭當午流水村中清淺處稱橫
斜疎影相容與時索笑想應許

陳櫟

字壽翁號定宇休寧人宋亡後隱居三十八
年至延祐甲寅年六十三復出應試中浙江
鄉試以病不及會試閱二年前上書于執政不
報元統二年卒年八十三元史有傳著定宇

集十六
卷詞附

玉樓春 和金滄洲

新篁搖翠添波綠裝點瑞溪深一曲青衫司馬緩來游
卜夜清歡孤繼燭 江心桃杖聊開束更好著鞭馳駿
足樽前最好過雲聲劣可纖纖扶藥玉

胡炳文 字仲虎號雲峯婺源人常為信州道一書院
山長再調蘭谿州學正不赴有雲峯集十卷

附詞

滿江紅 吳又元得其伯父子雲太博易學游戲拆
字間論人窮達貴賤累多奇中作此贈之

一畫先天誰知得已涵元九這易元機括子雲傳授杜
字一聲春欲曉牡丹幾朶花開畫問堯夫數字自何來
俱參透 心胸裏羅星宿心畫上占爻繇看肆中簾捲
門前車轅易字分明書日月口天真是談天口豈太元

而後別無元如今又

白无咎

按李存侯庵集題白賁畫馬云數筆寫來干
里意只今惟有白忻州又姚際恒好古堂書
畫記白賁字无咎元大德間錢塘人作花精
妙古雅可追徐黃錢舜舉不能過也

百字折桂令

敝裘塵土壓征鞍鞭絲倦裊蘆花弓劍蕭蕭一徑入烟
霞動羈懷西風木葉秋水蒹葭干點萬點老樹昏鴉三
行兩行寫長空啞啞鴈落平沙 曲岸西邊近水灣漁
網綸竿釣槎斷橋東壁傍溪山竹籬茅舍人家滿山滿
谷紅葉黃花正是淒涼時候離人又在天涯

石民瞻

潤州人

陶宗儀書史會要石巖字民瞻京口人官至縣尹

按鐵網珊瑚載民瞻題蘭亭舊刻云巖借觀累日得其妙處又載其次虞伯生韻題趙子昂重江疊嶂圖云藝事推三絕交情到八哀衣冠太平出筆硯好懷開虹月從延佇鷗波渺去迴同為帝都客揮灑得看來

清平樂

題桐花道人吳國良卷

吳郎丰度邂逅春城暮暖日晴雲花滿樹恰似故人詩句
坐中翔鳳飛霞來尋弄玉仙家說與江州司馬淚痕只為琵琶

詞綜補遺卷十八

詞綜補遺卷十九

長洲陶樑輯

元詞五十七首

陸文圭 十三首

史藥房 一首

吳存 八首

許謙 一首

蕭軒 一首

同恕 二首

張養浩 二首

兀顏思忠 一首

葉森 一首

王蒙 一首

陸輔之 一首

朱晞顏 十六首

李孝光 二首

喬吉 二首

張可久

四首

李時一首

陸文圭

字子方江陰人宋咸淳初以春秋中鄉選宋亡隱居城東延祐設科有司強之就試再中鄉舉以老疾不應徵召後五十餘年至泰定天曆間應聘設教容山至正初卒年八十五

元史有傳有墻東類藁二十卷詞附

四庫全書總目文圭當南宋之末年已二十餘入元後五十餘年至泰定天曆間應聘設教容山順帝至正初始卒最為老壽惟史不載其登仕版而集中吳縣學田記有至元辛卯余領吳縣學事語似曾為教官然辛卯為世祖至元二十八年文圭祇三十餘記中乃有余愚且老句與文圭情事不合或此記本代人作而失於標註歟

點絳脣

玉體纖柔照人滴滴嬌波溜填詞未就遲却窗前繡

一幅花箋適與何人手還知否孤燈坐守漸入黃昏後

又

笑靨多羞低頭不覺金鍼溜憑媒將就鳳枕回雙繡

月地雲堦何日重攜手心堅否齊眉相守願與從今後

又

永夜無慘更堪點滴聽簷溜枕寒難就堆亂牀衾繡

人面桃紅還憶擎漿手君知否倚門獨守又是清明後

又

悶托香腮淚痕一綫紅膏溜將身錯就枉把鴛鴦繡

柳帶青青攀向行人手天知否白頭雙守破鏡重圓後

賦帶減字木蘭花

庚申六月三日同耶律君璋趙子淵兄弟避暑飲于元妙觀之荷池君璋

不飲命歌者歌以勸之

雙鬢聳翠低護金蓮裙窄地鐵石心腸無奈梅花一點

香面歌聲梁繞流水泠泠雲杳杳白髮劉郎對景須判

醉一場

阮郎歸 舟中賦所見

風吹一捻柳腰輕嬌柔力未勝眉兒喜學遠山青終朝

畫不成 嬌滴滴笑盈盈雛鶯葉底聲花梢雨過夕陽

明無情漸有情

唐多令 梅隱庵席上贈歌者

花下笑聲微鶯喉高又低怪穿花粉蝶成圍唯有禪心

清似水相對坐兩忘機 莫道絮沾泥狂風也解飛恨

殘春九十將歸回首陽臺縹緲裏愁薄暮雨霏霏

又 寄遠

明艷注秋波輕鬆縮髻螺怕逢人先歛雙蛾怯雨羞雲

情未穩佳會少遠離多 梁繞憶清歌蘭舟肯更過爲

他垂淚染香羅欲倩鱗鴻將錦字知別後意如何

滿江紅 贈歌者

兒女多情頗自恨英雄氣少春夢裏鶯啼燕語瞥然驚

覺寸寸淩波蓮步穩鸞鸞拂黛官眉悄似紅雲一朵罩

江梅天然好 舞腰細歌喉 巧茵錦褪 梁塵繞更盈盈
笑靨櫻脣紅 小金瓊愛從心裏換 玉山偏向懷中倒 奈
劉郎前度看桃花 如今老

又 己巳二月二十二日游北門有感

試檢春光都不在 槿籬茅屋荒城外 牯眠衰柳鴉啼枯
木黃染菜花無意緒 青描柳葉渾粗俗 歎繁華不似少
年游傷心目 棠塢錦梨園玉燕衣舞鶯黃曲艷陽天
輸與午橋金谷行處綺羅香 不斷歸時絃管聲相逐 怕
夕陽飲散近黃昏 燒銀燭

念奴嬌 送幕職

殘花剩柳正啼鴉 聲裏郵亭別館 三疊陽關聽未徹 手
執離杯引滿 政坐諸君久煩老子 今日纔蕭散 翩然歸
去 故園綠樹春晚 人世蒼白浮雲自舒自卷 不入高
人眼 官事如麻 何日了 輸與閑中 不管翠柏臺高 紫微
省 近別有清華 選功名 歲宴江城 回首天遠

水龍吟 次韻一首寄藥房

燕芹香老春深微風颭動新篁翠 驚敲夢斷忙呼小玉
故人來未香縷篩簾游絲墮几暖薰花氣問春隨鶯到
又隨燕去誰解得東君意 澗水流紅影裏小樓東有
人孤倚殘桃著雨鬢容撩亂未堪妝洗冉冉年光悠悠

時事不如沉醉更辜孃一曲司空見慣也應回睇

又探春慢和心淵已巳元夕韻

細草黏冰疎林補雪衰翁未覺春暖曝背低簷燎衣破

竈誰識舞臺歌館樂事如今懶謝鄰伴東招西喚何消

看試華燈月光今夕圓滿念昔繁華帝里侍鳳輦夜

游棚曉人散迓鼓方催韻簫正美忽被西風吹斷簌簌

梅花落忍聽得一聲羌管懷古傷情淚痕濕春衫短

去史藥房

按鐵網珊瑚載藥房題范文正公書伯夷頌云韓辭范筆照千齡扶植綱常似六經日月爭光宜下拜莫將此眼對蘭亭署欵稱眉山史孝祥下有朱文藥房印知孝祥為藥房之

名眉山當是其郡望也

水龍吟

清明後淡日過子方小飲欄邊玉茶正花香韻蕭遠主人出侍人彈琵琶侑觴酒未終上馬徑去恍然藍橋溢浦之遇也作水龍吟以紀其事見墻東類藁

等閑過了清明草痕深一庭新翠光風信息牡丹初褪

茶蘼猶未燕語清圓梅英鬆潤困人天氣笑文園倦客

詩才減盡猶有傷春意別有留春去裏小房權玉英

雙倚天香浮動銖衣乍試鉛華盡洗一面琵琶輕攏慢

撥未觴先醉又匆匆藍橋路隔謾增凝睇按此詞原本缺三字

吳四存

字仲退鄱陽人延祐元年舉于鄉以薦授寧國路儒學教授至元五年卒于家年八十有

三有樂庵詩集二卷詞附

霜天曉角

峨眉亭次韵

龍梭四壁風浪生尋尺却上危亭孤嘯天無際水無極
百年緣底急晚風牛背笛回首故鄉千里山一髮暮

雲碧

江城子

高郵舟中

酒鑪餅舍帶長溝過揚州又高郵逆浪流漸寸寸澁行
舟北望神京天共遠何處是五雲樓昔年此地足戈
矛轉城陬屢回頭璧社湖中明月竟誰收欲問少年淮
海士疎葦外起沙鷗

摸魚兒

揚州

笑風流少年杜牧如今雙鬢成雪來尋豆蔻梢頭夢二
十四橋明月人事別故國興亡欲問無人說淮雲萬疊
但雨外疎鐘烟中斷角到曉共嗚咽蕪城外幾樹西
風落葉消磨多少豪傑平山堂上朝中措千載妙音幾
絕歌一闕怪水部梅花怪我心如鐵才情未竭待跨鶴
重來纏腰半解一奏玉笙徹

朝中措

春歸

蜂脾蜜滿燕成窠春事已無多風景付渠啼鴉客情還
我烟莎春來風雨春歸風雨春竟如何輸與前溪醉
叟紅雲波上漁歌

浣溪沙

春閨送別

花滿離筵酒滿瓶
摘花未語淚先零
杯行教醉莫教醒

今夜醪醑連理枕
明朝柳絮短長亭
一般杜宇兩般

聽

木蘭花慢

問東君識我應怪我
髻將華甚破帽蹇驢
清明無酒寒食無家
東風綠蕪千里
惟登樓歸思渺天涯
烟外一雙燕子雨中半樹梨花
日長孤館小窗紗
新火試團茶
想明月灣頭家家筍蕨井井桑麻
年華不饒倦客早青梅如豆
柳藏鴉欲逐夢魂歸去
客窗一夜鳴蛙

水龍吟 秋水泛舟

陶公三尺漁梭
十年來蘇枯塵壁無端
夜半風雷入夢
曉痕猶濕起
喚蘭橈荻花蕩漾黏天
晴碧望芝雲一點
爛銀盆裏青螺眼中堪識
獨倚枕牀清嘯看千帆
霎時風力孤篷穩繫釣車慢
卷綠楊汀側遠樹如烟
飛鷗如雪
暮愁如織倩何人小拂朱絃
寫入一江秋色

又 落梅

無端夢醉西湖楊花撲帳
春雲熱朝來問訛牆陰玉樹
霏霏香屑黏竹如斑點
衣如唾穿簾如蝶甚
兒童驚怪東風幾日消不盡
蒼苔雪莫恨玉妃渾老
半面妝風

流仍絕多情應有洛濱解珮江中捐玦消得幾番荒烟
疎雨冷雲殘月倩何人報與廣平渠不解心如鐵

許謙

字益之金華人受業金履祥之門累薦不起
延祐中以講學名至元三年卒賜諡文懿學

者稱白雲先生有白雲集

四庫全書總目宋末元初說經者多尙虛談
謙於詩考名物於書考典制猶先儒篤實之
遺其詩理趣之中頗含興象五言古體尤諧
雅音非擊壤集一派涉理路者比文亦醇古
無宋人語錄之氣惟與王申伯一詩宗旨入
於老莊非儒者所宜言

蝶戀花

正月十一日

楊柳池塘春信早簾卷東風猶帶餘寒峭暖透博山紅
霧繞洞簫扶起歌聲杳 初試花冠金鳳小鬢亂釵橫

長怯旁人笑銀燭未殘樽未倒雞聲漏水頻催曉

蕭

軒

字維斗其先北海人父仕秦中遂為奉元人
歷官集賢學士國子祭酒卒年七十八諡貞

敏有勤齋集八卷元史有傳

蘇天爵滋溪集載軒墓誌云軒於六經百氏
無不通尤精三禮及易且邃於六書初鑿土
室終南山下以經傳列左右思索其義至忘
寐者三十年乃表裏洞徹關輔自許魯齋倡
明理學之後軒實繼之

望月婆羅門引

叔經宣尉壽

誰人得數登臨看公鐘鼎何心鳳味東邊小築桃李作
高林道詩書教子絕勝黃金 千年尙禽肯隨世漫浮
沉好在傳家棠樹培壅清陰年高德劭似一日春光一

日深青鏡裏白髮休侵

高桐

字寬甫其先太原人徙于奉元延祐四年召為太子左贊善致和元年拜集賢侍讀學士

以老疾辭卒年七十八諡文貞

有架庵集十五卷元史有傳

按元史恕自京還家居十三年縉紳望之若

景星慶雲鄉里稱先生而不姓時蕭與居南山下亦以道高當世入城必主恕家士論稱

日蕭同

蕭同

鵲橋仙

韋國器約賞梨花

鶯鶯燕燕蜂蝶蝶酒債幾時還徹韋郎又約醉梨花

對一樹玲瓏香雪盈盈脈脈翻翻折折小雨朝來乍

歇一年最是好看光陰筭只有清明三月

又

香飛玉屑光凝粉蝶不比精神瑩徹春風一樹倚東關

還稱道仙肌勝雪憑誰與說容吾揀折老去情緣未

歇觥船一棹百分空直看到花梢有月

張養浩

字希孟號雲莊濟南人薦為東平學正選堂

邑縣拜監察御史除翰林侍制遷翰林直學

士改秘書少監拜禮部尚書以父老歸養召

為吏部尚書不拜天歷二年關中大旱饑民

相食特拜陝西行臺中丞諡文忠

元史有傳有歸田類藁二十四卷

明張綸林泉隨筆張文忠公三事忠告誠有位者之良規觀其在守令則有守令之式居

行香子

釣臺

見嚴州府志

一葉舟輕雙槳鴻驚水天清影湛波平魚翻藻鑑鷺點
烟汀對沙溪急霜溪冷月溪明 重重似畫曲曲如屏
憶當年虛老嚴陵君臣一夢今古空名但遠山長雲山
亂晚山青

感皇恩 自壽

林壑八年閑險殘山色無處烟霞不相識真歡清福舉
世誰人曾得天教分付與雲莊客 萬里侯封九華仙
伯未必情濃似吾適扁舟風月好景初無今昔遐齡元
不在餐松柏 按元史仁宗初議立尙書省養浩言其不
便既立又言變法亂政將禍天下臺臣抑
而不聞遂疏時政萬餘言言皆切直當國者不能容復
構以罪罷之戒省臺勿復用養浩恐及禍乃變姓名遁

去此詞當作歸田之後至元十四年蘇天爵始刻於七
聘堂

兀顏思忠

水調歌頭

借憲掾分司尉邑偶得友人招隱之章
率爾次韻 見河南通志

白雲渺何許目斷楚江天省風大河南北跋涉幾山川
手綫征衫塵暗雁足帛書天濶恨入短長篇青鏡曉慵
看華髮早盈顛 嘆流光真逝水自堪憐明年屈指半
百勲業愧前賢霄漢驂鸞無夢桑梓歸耕有計醉且付
高眠寄謝鹿門老待我共談元

葉森

字仲實江陰人通蒙古字學推擇爲譯吏轉
兩淮鹽使司監運綱船改鹽官州判官調新
喻擢上高興國二
縣尹至治二年卒

言終補遺卷十九
王逢梧溪集挽葉仲實詩云老馬知歸途游
子久異縣鑿鑿鄉執銘芝鳳喜及見士生遭
登用如帆得風便藿叢拔巖門菜色驩海甸
山丁蠲徭役田峻慶豐羨猾懲豪股栗梁鞏
衆心眷計奔繼母喪淚沁沙彌薦吉服戒中
途河嶽氣蔥蒨遂成采真游孰謂游魂變幹
盡光後烈竊交忝遺彥大江流疎星其波自
紆練安得六七公爲擬襄陽傳
按四庫全書總目載元葉森增補梁元帝古
今同姓名錄二卷

蝶戀花

西湖感舊

見西湖志

小院閑春愁幾許目斷行雲醉憶曾遊處寂莫而今芳
草路年年綠遍清明雨花影重簾斜日暮酒冷香溫
幽恨無人顧一陣東風吹柳絮又隨燕子西冷去

王

蒙

字叔明號黃鶴山樵吳興人國器
子元未官理問入明爲泰安知州

鐵網珊瑚載蒙自記云余觀邵氏聞見錄宋
南渡後汴京故老呼妓於廢圃中飲歌太白
秦樓月一闕坐中皆悲感莫能仰視良由此
詞乃北方懷古故遺老易垂泣也蓋自太白
創此曲之後繼踵者甚衆不過花間月下男
女悲歡之情就中能道者惟有花蹊側秦樓
夜訪金釵客金釵客江梅風韻海棠顏色尊
前醉倒君休惜不成去後空相憶空相憶山
長水遠幾時來得自完顏菘中土其歌曲皆
淫哇蹀躞之音能歌憶秦娥者甚少有能歌
者求余作畫並填此詞以道南方懷古之意

憶秦娥

花如雪東風夜掃蘇堤月蘇堤月香銷南國幾迴圓缺

錢塘江上潮聲歇江邊楊柳誰攀折誰攀折西陵渡

口古今離別

陸輔之

字行直姑蘇人官翰林院典籍

珊瑚網元姑蘇汾湖居士陸行直輔之有家妓名卿卿以才色見稱友人張叔夏為作古清平樂贈之云候蟲悽斷人語西風岸月落沙平流水漫驚見蘆花來雁可憐瘦損蘭成多情應為卿卿只有一枝梧葉不知多少秋聲後二十一載行直以翰林典籍致政歸則叔夏卿卿皆下世矣行直作碧梧蒼石圖并書張詞於卷端且和之云云

清平樂

楚天雲斷人隔瀟湘岸往事悠悠江水漫怕聽樓前新

雁深閨舊夢還成夢中獨記憐卿依約相思碎語夜

涼桐葉聲聲

朱晞顏

字景淵長興人有瓢泉吟藁五卷詞附

浣溪沙

謝張魯瞻惠紙筆和來韻

按吳澄集有晞顏父文進墓表載及晞顏能詩文而為良吏不詳其為何官今以集中詩考之則初以習國書被選為平陽州蒙古掾又為長林丞司煮鹽賦又曾為江西瑞州監稅蓋以郡邑卑吏終其身者又按元代有兩朱晞顏作鯨背吟者別是一人

湘管娟娟弱鳳翎霜毫楚楚醉猩英就中心早可人情

漸老江淹無好夢輸他年少意縱橫只堪閑寫換鵝

經

柳梢青

客懷

狂蹤怪跡料誰半老天涯為客帆轉霜風船隨江月山

寒波碧水如今著處添愁怎忍看參西雁北洛浦鶯花

伊川雲水何時歸得

掃花游

送人

津亭柳色正舞翠
麤麤亂侵歌袖
驪駒送酒競東門
祖席賓僚勳舊白髮青衫
愁絕風流去後黯回首
但夢繞藩垣
簾影清晝遺愛曾未久
聞里役均輸力排豪右
喧傳萬口道調元贊化
是經綸手鼎鉉虛賢分
內功名信有事非偶
看金甌口名還又

滿江紅

彈鋏歸來更誰歎
有魚無肉念良夜
向闌相對舊歡難
續一夕乍寒秋枕夢
十年重翦西窗燭
算人生得意待何時
蕉隍鹿樽有酒
妻堪熟書插架
兒能讀傍虛簷翠雲低
亞萬竿修竹數點蒼山
遙入戶半篙春水斜穿
屋便門前車馬寂
無人從教俗

滿庭芳

和趙仲敬詠雪

翦水飛花裁冰作絮
龍宮不管嚴寒斜侵風帽
吟髯忽摧殘
誰念梁園倦客
黃金盡作賦才
慳飄流久寒欺
做褐猶是馬蹄間
兒時曾從獵呼鷹
野外落雁雲端
猛呼酒霜鞵濕遍
紅鴛倚馬酣歌
秦妓紫貂暖不上
裘船今遲暮
翩翩孤劍寂寞渡
桑乾

又

寒壓衾稠光搖書幌夜深香夢初殘細聽窗戶簌簌響
春蠶風勁時時墮砌分明認山溜潺湲呼童起疎梅耐
冷修竹報平安 曉來擁被看閑庭舞鶴古瓦迷鸞待
戲挽銀河飛步天壇祇恐瓊樓玉宇最高處無限清寒
憑君問九關虎豹香案五雲間

聲聲慢

賦柑花

瀼瀼微露重骨濃分清暑絕點珠璣不夢風寒繁艷自
有冰肌儘任梅烟瘴雨向炎洲偷換朱衣情緣短絕無
芳夢飛度江隈 猶記傳來纖手藹香名三日賞遍吳
姬縱使馨兒妖麗誰與心期傷情墮樓恩重忍塵沙玉
瘞珠遺餘韻在返清魂環珮夜歸

木蘭花慢

陳伯永竹院有魏鶴山題扁名公留題

信吟筇到處儘可欵箇人家見碧螿橫陳粉墻低亞亂
鎖烟霞森森萬竿如束倚虛簷風影自交加一點塵無
几硯十分清到窗紗 堪嘉玉立瘦穿沙池色淨無瑕
向良夜移床靜臨書帖閑試茶瓜明月清風仍好但秦
宮梁苑遍棲雅零落殘香秀墨春衣拂遍苔花

齊天樂

薊門寒食

青烟一夜傳宮燭朝來管絃都試寶扇傳歌銀瓶索酒
柳下驕驄曾繫憐紅嫵翠任栲栳量珠伴春俱醉不道

無情花殘春老頓容易 人生幾何適意甚前時風度
今番情味楚褐疑塵濤戕封淚愁在斷鴻聲裏情絲恨
綺儘付與風簾燕兒論理不似流紅解隨東去水

念奴嬌

倦懷無據凭危闌極目寒江斜注吳楚風烟遙入望獨
識登臨真趣晚日帆檣秋風鐘梵倚遍樓東柱興來攜
手與君更上高處 隱約一水中分金鼇帶甲力與蛟
龍拒擬訪臨臯清夜鶴誰料坡仙曾遇斷壁懸秋驚濤
逝月總是無聲句勝遊如掃大江依舊東去

又

怒濤駕雪躡千騎爭赴危坡奔注高閣凌空圖畫出渺
渺荆揚佳趣夢澤雲寬邗溝霜淨影落晴檐柱南來王
氣銷沉榛莽深處 堪笑亡國危機沉江鐵鎖欲把東
吳拒司馬家兒那解事神算真成天遇商意悲涼宮詞
凄苦忍聽臨風句無情江水不將遺恨流去

一萼紅

盆梅

玉堂深正重簾護暝窗色試新晴苔暖紋生泥融脈起
春意初破瓊英夜深後寒銷絳蠟誤碎月和露滴空庭
暖吹調春冷侵芳夢一餉銷凝 長恨年華婉晚被柔
情數曲抵死牽縈何事東君解將芳思巧綴一斛春冰

那得似空山靜夜傍疎籬清淺小溪橫莫問調羹心事
且論笛裏平生

過秦樓

客中端午

水碧紗厨月圓紈扇悄悄午窗曾共祛愁楚艾照眼安
榴節物把人傳送無奈長晝如年鶯趁吟情蝶迷鄉夢
悵歸期多誤暮雲凝望亂愁如葑誰念我悶對騷經
慵尋遺譜冷落赴湘琴弄醒魂正渴筒碧初乾買健教
人呼粽不似歸來故園同泛香蒲頻傾春甕儘癡兒歎
女齊唱湖樓興動

蘇武慢

枕海山橫陵江潮去雉堞秋風殘照間尋桂子試聽菱
歌湖上晚來涼好幾處蘭舟采蓮遊女歸去隔花相惱
奈長安不見劉郎已老暗傷懷抱誰信得舊日風流
如今憔悴換却五陵年少逢花心冷避酒杯深常是懶
歌慵笑正天威掃平狂寇整頓乾坤都了共赤松攜手
重期明月再遊蓬島

賀新郎

壽清尹靳從矩

縣古槐成幄燕泥香繁紅墜雨半簾花落一夜江臯黃
犢雨萬頃綠雲噴薄聽四野田歌歡樂堂上琴聲堂下
水書庭空自下風簷雀喧競少儘不惡竹牕暑淨巾

詞綜補遺卷十九
斜著傍筠軒閑舒笑傲舞翻霜鶴裴几藤牀揮玉塵風
骨棱棱如削炯一段清冰秋壑待得河陽桃李滿向雪
堂重訂梅花約須喚我共酬酢

又 歸雁送劉季和

雲影低平楚看翩翩離羣避暖去尋孤戍猶記登樓看
瘦字零落西風無數把往事書將空處乍別榆關秋夢
迴向江南睡足菰蒲雨天欲暝雪初絮江空歲宴衡
陽度儘冥冥稻梁謀拙弋人何慕行斷驚飛悲弔影誰
念嘹風最苦算只有天涯羈旅暮聽城笳迷去翮被落
花飛絮相縈住輸海燕笑遲暮

李孝光

字季和樂清人隱居雁蕩山五峯下至正七年詔徵隱士以秘書監著作郎召赴京進孝經圖說順帝大悅賜上尊明年升秘書監丞卒于官有五峯集六卷元史有傳按楊廉夫作陳樵集序歷舉元代作者以季和與姚牧庵吳草廬虞道園並稱今考集中雜文僅止二十首目錄中尙有佚文四篇知遺失者正不少也

青玉案

兒童齊唱民安作問底事來何暮酷似當年廉叔度春
風千里綠到棠陰處玉壺清貯金莖露翻向人間作
霖雨今日東甌成樂土清都虎豹借恂無計袞職須君

補

東甌水調歌頭

東湖浸南麓北蕩帶西山其中大有佳處元不減商顏
上有雁峯千疊下有龍灘百曲別是一人寰昨夜雨新
過流水到花間一張琴一壺酒伴渠閒詩成真宰應
妒萬象入嘲訕北海尊疊依舊東里杖藜無恙未放髻
毛斑吾亦秣我馬不怕路盤盤

喬

吉

字夢符太原人有惺惺道人樂府一卷

賣花聲

見歷代詩餘

侵曉園丁叫道嫩紅嬌紫巧工夫攢枝餽藥行歌佇立
灑洗妝新水捲香風看街簾起深深巷陌有箇重門
開未忽驚他尋春夢美穿窗透閣便憑伊喚取惜花人

在誰根底

天淨沙

一從鞍馬西東幾番衾枕朦朧薄倖雖來夢中爭如無
夢那時真箇相逢

張可久

字伯遠號小山慶元人以路吏轉首領有小山樂府二卷

太和正音張小山如瑤天笙鶴既清且新華而不豔有不食烟火氣

風入松

九日

哀箏一抹十三絃飛雁隔秋烟攜壺莫道登臨晚雙雙
燕爲我留連仙客玲瓏玉樹佳人窄索金蓮琅琅新
雨洗湖天小景六橋邊西風潑眼山如畫有黃花休恨

無錢細看茱萸一笑詩翁健似當年

人月圓 春日次韻

羅衣還怯東風瘦不似少年游匆匆塵世看看鏡裏白
了人頭 片時春夢十年往事一點閒愁海棠開後梨
花暮雨燕子空樓

又 客吳江

三高祠下天如鏡山色浸空濛尊羹張翰漁舟范蠡茶
竈龜蒙 故人何在前程莫問心事誰同黃花庭院青
燈夜雨白髮秋風

又 吳門懷古

山藏金虎雲藏寺池上老梅枝洞庭歸與香柑紅樹鱸
膾銀絲 白家亭館吳宮花草可似當時最憐人處啼
鳥夜月猶怨西施

李時

按竹垞詞綜凡例稱向客太原見晉祠石刻
多北宋人唱和詞嗣詢之宦遊晉地者俱云
未見晉祠石刻宋詞止披雲子雨霖鈴一首
元詞姜夔浣溪沙二首鷓鴣天一首李時木
蘭花慢一首披雲子語涉丹鼎詞復粗淺置
不錄外姜夔已列入前卷李時字居中北京
人見畫史會要姚廣孝詩云北苑當年下筆
奇浪傳千載亦堪悲天機爛漫無人悟誰道
燕山有李時蓋其人入明尚在也

木蘭花慢

憶蘭亭佳致從憲長試追尋問開化高峯晉溪流水誰
 是知音雖無鳳笙龍管勸行裝時有不絃琴馬首家
 明月眼前處處禪林 一觴一咏暢懷襟塵世任浮沉
 甚莫論興亡休爭人我且樂歡心韶華豈能常在又斜
 陽西下暮雲深好袖東風歸去春宵一刻千金

詞綜補遺卷十九

詞綜補遺卷二十

長洲陶榘輯

元詞六十二首

錢應庚 六首

錢抱素 三首

孟昉 二首

何繼高 一首

吳瓘 一首

蘇大年 一首

張肯 一首

王容溪 一首

王逢 一首

舒頤 一首

舒遜 一首

何景福 一首

何可視 一首

鄭韶 一首

袁華

一首

于立

一首

陸仁

一首

張遜

一首

陸祖允

一首

湯彌昌

一首

東從周

一首

金綱

一首

張翬

一首

杜善夫

二首

謝醉庵

一首

劉應雄

一首

劉貴翁

一首

李太古

五首

曾棗

一首

龍端是

一首

龍紫蓬

一首

黃霽宇

一首

曾寅孫

一首

劉忠之

一首

章凱

一首

白雲山翁

一首

釋明本

一首

覺達

一首

邱處機

三首

管道昇

一首

無名氏女郎

一首

錢應庚

字南金

按鐵網珊瑚載貞溪名勝詞翰貞溪為邵復孺所居錢南金家於菑水與復孺互相酬贈宗人素庵亦預其列極一時嚶鳴之雅而三十年交誼往往流露行間惜其時已丁未造戎馬控德詞中始述從軍繼言避地殆不禁滄海橫流之慨矣

西江月

和邵復孺用仲參幕贊韻

往事俄驚如夢白頭追感前時半生辛苦為吟詩詞筆

輸君工緻 世變俱成老 大年來更覺衰遲 通家欲結
歲寒期未必天公無意

春草碧

復孺自軍中回予伯氏口口口以識會合之喜因次韻

折衝尊俎談兵略 還記五湖船烟波 約東鄰有客歸來
應訝山翁瘦如鶴 問訊舊元都 今非昨 當年錦里依
稀青山似削天地一 蘧廬從棲泊 西園長記前游乘興
重來看欄藥白首友于情同憂樂

又

再韻和復孺亂後敘舊

故人胸次藏三略 鷗鷺水溪邊 重尋約千門 兵火蕭條
回首華亭有歸鶴 城郭是耶非 傷前昨 相逢謾說新

詩多君郢削隨分一枝安 甘依泊書囊 再覩雄文帷幄
忠言似良藥 攜手問何時 承平樂

臺城路

寒食後雨軒獨坐讀復孺詞次韻

一庭芳草閑春晝 疎疎弄簾花影 鼓子風喧 苔痕雨潤
還聽蛙聲鳴井 沈吟坐暝 正綺席杯空 藥爐烟冷 老去
無情好春不減舊芳景 天涯誰念倦旅 閉門風雨意
獨自禁領南浦歌長 西堂夢遠 往事不堪 追省滄浪望
迴記那日歸舟 客懷猶騁 莫倚危樓 亂紅愁萬頃

八聲甘州

倚和邵復孺

折蘭難寄遠 渺汀蒲烟柳 思依依甚 檐花聽斷 騷章歌

罷此意誰知滿眼孤村流水腸斷去年時過了重陽日
重問歸期 同是天涯羈旅嘆湘靈鼓瑟笑我全非九
江風雨外客有澹忘歸正日渺褰情愁予又吳潮吹上
竹枝詞西窗夜待翦燈深坐却話相思

隔浦蓮近拍 水檻對雨

非榴開滿露井竹映琅玕瑩幔捲方池雨微微落飛檐
影荷葢擎萬柄明妝靚浪破魚吹鏡 翠禽並梅風乍
起桃笙微帶新潤瀟湘舊夢喚我綠蓑歸興憑徧闌干
暗自省人靜夕陽移下清景

錢抱素

字素庵

臺城路

和復孺韻

見鐵網珊瑚

碧雲深凝遙天暮經年雁書沈影雨散梅魂風醒草夢
還見春回鄉井花明柳暝念賈篋香空謝池詩冷流水
斜陽舊家那是舊風景 懷思橫泖雅趣故人吟嘯裏
得意酌領譜綴臺城緘傳菑水肯把俊遊重省憑高倚
迥縱老興酒濃不堪馳騁隔斷相思浦潮波萬頃

春草碧

客窗閒理清商譜彈到斷腸聲傷今古自憐素髮無多
猶記紋疏夜深語空剩舊時蹤迷南浦 梨花燕子清
明誰家院宇沒箇好情懷杯慵舉天涯行李蕭蕭還是

新愁老羈旅那更落花深紅似雨

鎖窗寒

題玉山草堂

書帶生香忘憂弄色四窗虛悄茅茨淨覆棟宇洗空文
藻捲珠簾雨痕暮收綺羅靜隔紅塵島對紙屏素榻拂
潭烟樹掃簷風篠深窈西園曉似日照爐峰數聲啼
鳥瑤蓮倚蓋曉水靚妝孤裊浣花溪尙餘舊春穠芳贖
馥吟未了望東林小徑斜通夢約香山老

孟

昉

字天緯本西域人寓居北平

邵遠平續弘簡錄孟昉至正中爲翰林待制官南臺御史工書法

天淨沙

見歷代詩餘

上樓迎得春歸暗黃著柳依依弄野輕寒似水錦牀鴛
被夢回初日遲遲

又

依微香雨青氛金塘間水生蘋數點殘芳墮粉綠莎輕
襯月明空照黃昏

何繼高

字左昌至正八年進士知嵩明州

採桑子

見歷代詩餘

醉歸那忍旋分手竹屋燈明石鼎茶聲坐久聽來酒力
輕粉箋染就芙蓉滑小句初成轉自淒清寒逼春衫
欲二更

吳璫

字瑩之號竹莊嘉興人

圖繪寶鑑吳璫多藏法書名畫能作窠石墨梅學楊補之頗有逸趣

鐵網珊瑚載璫跋云至正戊子冬孟竹莊梅已蓓蕾因賦柳稍青詞而明遠適來索余作故寫梅就書之

柳稍青

題梅贈趙明遠

檣角孤根株身纖小嬌羞無力蟹眼微紅粉容未露不

禁春色 待東君汨沒芳姿漸迤邐檀心未坼緩步迴

廊黃昏月淡那時相得

蘇大年

字昌齡號西坡真定人官翰林編修元末避兵居吳張氏用為參謀稱蘇學士

踏莎行

題巫峽雲濤和王德璉韻

見鐵網珊瑚

烟外斜陽雲中遠岫翠眉輕補膳支漏

見南朝侍兒錄

迴波都

是斷腸聲斷腸更聽哀猿吼 暮雨凝愁朝雲滯酒餘

懷遠寄滄江口世間木石本無情如何也似離人瘦

張肯

字繼孟號夢庵吳人隱居不仕

鐵網珊瑚載夢庵自識云余嘗放舟武昌泛赤壁磯登黃鶴樓上巫峽涉瞿塘之險于楚

江晨夕飽覽奇勝回首已二十餘年矣今披此圖恍若夢寐追憶舊遊姑譜此調以寓所

慨云歲癸酉十月望日 按繼孟跋張溪雲鈞勒竹卷自署浚儀張肯

見續書畫題跋

齊天樂

題燕龍圖楚江秋曉卷

曉風吹醒蓬窗夢驚心斷魂潮尾深髻蕭蕭秋容黯黯

殘月漸看西墜披衣乍起對萬頃蒼茫半空飛露曙色
纔分巫山隱隱掃晴翠行舟此際競發歎還吳適楚
盡趨名利投老襟懷思鄉情緒慵賦天涯羈旅鷗汀雁
渚記彷彿當年遍經行處今日披圖舊遊如夢裏

王容溪

鐵網珊瑚載倪雲林傲高房山山水跋云無錫王容溪先生賦如夢令云云高房山嘗繪之爲圖

如夢令

林上一溪春水林下數峰嵐翠中有隱居人茅屋數間
而已無事無事石上坐看雲起

王逢

字原吉江陰人至正中嘗作河清頌累薦不起隱居黃山自稱席帽山人遷松之青龍江名所居曰梧溪又徙上海烏涇號最閒園丁有梧溪集七卷周伯琦梧溪集序原吉遭時多虞以客爲家大府交辟一不就迴翔州里能以一言活黨亂者數千人之命以一檄降惡少五千之衆又聚瘞無錫之殲於兵者千百人之齒斃力可到者不少恡嗇與之語恂恂也至於去就之辨三公不能易其介三軍不能奪其節鐵網珊瑚載逢跋云余謝病將還小隴謁梁侍郎顧先生祠就宿寶雲禪舍是夕王仲冕相與論心久之而去明日過冕見先友倪幼霽所畫且獲觀王容溪張貞居二公詩詞還冕徵賦苾邨亦爲長短句一闕衰憊之餘一時清興殊灑然也梧溪老人王逢時年六十有五

如夢令 苾村

簷聳數株松子邨繞一灣菰米鷗外迴聞雞望望雲山
烟水多此多此酒進玉盤雙鯉

舒

頤

字道原績溪人至元丁丑辟池陽教諭至正庚寅轉台州學正世亂居華陽山中自號華陽逸者明興屢詔不出有貞素齋集八卷附詞四庫全書總目貞素齋集有頤自序及自作小傳均以陶潛自比而其文乃多頌明功德蓋元綱失馭海水羣飛有德者與人歸天與原無所容其怨尤特遺老孤臣義存故主自抱其區區之志耳頤不忘舊國之恩爲出處之正不掩新朝之美亦是非之公固未可與劇秦美新一例而論也

太常引

見歷代詩餘

山色共承宣君秩滿我遲延幾度醉花前曾怪殺春山

杜鵑 菱花再照鸞膠再續應笑雪盈顛深夜語嬋娟
也曾是都門少年

風入松

紗廚過雨晚涼生枕簟不勝情冰肌玉骨元無汗香風
迴深院語流鶯翠幌光搖絳蠟畫堂暖瀉銀餅 玉箏
牙板按新聲雲髻寶釵橫銀絲膾細江瑤脆揚州月照
我醉吹笙舊事十年猶記壯懷此日堪驚

舒

遜

字士謙號可庵頤弟有搜枯集

感皇恩

疎雨滴清秋洗殘流火爽動涼飈透簾幙寒蛩吟徹誰

道小窗蕭索青燈相伴我情依約 螢照更殘烏啼月
落悲壯山城數聲角漫漫長夜扣角長歌方覺人生能
有幾須行樂

何景福

字介夫淳安人別號鐵牛翁至正末
遭亂不仕有介夫文集四卷詞附

虞美人

別魯道源

三年奔走荒山道喜說苕溪好苕溪秋水漫悠悠載將
離恨上杭州 干戈未已身如寄安樂知何處青溪溪
上釣魚磯縱使無魚還有蟹螯肥

何可視

字思明嘉興人值元末世
亂不仕自號爛柯樵者

蝶戀花

送春

見歷代詩

金井啼鴉深院曉鴈盡東風柳絮吹難了燕子多情相
識早杏梁依舊雙雙到 一縷沉烟簾幕悄滿眼飛花
祇攬人懷抱十二玉樓春樹杪天涯不斷青青草

玉樓春

鄰雞喔喔晨窗白檐樹深沉初辨色鴛鴦瓦上露溶溶
翡翠簾邊風瑟瑟 小樓一半屏山隔不減銀缸通照
夕還鄉好夢却忘愁夢破那堪仍在客

郊

韶

字九成吳興人至正
中嘗辟試漕府掾

雲臺集韶自號雲臺散吏又號苕溪漁者日
往來於玉山與諸君相倡和

清平樂

題桐花道人卷次石民瞻韻
詩餘

見歷代

湘雲微度六曲朱欄暮簾外香飄梅子樹知有王孫索
句誰將瓊瑋吹霞柳花飛過東家說與門前去馬斷
腸休爲琵琶

袁華

字子英崑山人
生於延祐丙辰
入明爲蘇州府
學訓導有畊學齋詩集十二卷可傳集一

卷

楊維禎序袁華可傳集吾鐵門稱能詩者南
北凡百餘人求如張憲袁華者不能十人
按顧瑛玉山紀游一卷袁華編次華以外爲
會稽楊維禎遂昌鄭元祐吳興郊韶沈明遠
南康于立天台陳基淮南張渥嘉興瞿智吳
中周砥釋良琦崑山陸仁又鐵網珊瑚載張
伯雨雜詩五十五首贈袁子英跋云子英持
去勿示不知我者越三十八年壬子子英復
以是卷贈陳彥廉亦題其後云彥廉與子同
志故割愛以贈以歲月計之蓋洪武十有五
年也

水調歌頭

宴顧仲瑛金粟影亭賦桂詩餘

見歷代

山橫眉黛淺雲擁髻鬟愁天香笑攜滿袖曾向廣寒游
素腕光搖寶釧金縷聲停象板歌罷不勝秋十指露春
筍伴整玉搔頭記錢塘朝載酒夜藏鈎青衫斷腸司
馬消滅舊風流三百六橋春色二十四番花信重會在
蘇州水調按新曲明月照高樓

于立

字彥成南康人
學道會稽山中

鐵網珊瑚載于立葢山題扇詩題扇書裙亦
偶然千年風致尙堪傳山陰道士能諸事只
乞黃庭內外篇

又前題

微紅暈雙臉濃黛寫新愁好似霓裳仙侶曾向月中游
憶得影娥池上金粟盈盈滿樹風露九天秋折取一枝
去簪向玉人頭 夜如年天似水月如鉤只恐芳時暗
換脈脈背人流莫唱竹西古調喚醒三生杜牧遺夢遶
揚州醉跨青鸞去雙闕對瓊樓

陸仁

字良貴自稱樵
雪生河南人

鐵網珊瑚載陸仁題崔君誼友竹軒云交道
久已喪澆風何由醇對面論氣誼轉足生棘
榛斷金臭如蘭所貴同心人取友古所難此
君誠可親霜風凜高節歲寒相與鄰于焉念
同志碌碌奚足論

又前題

露冷廣寒夜喚醒玉真愁銀橋憶得飛度曾侍上皇游
一曲霓裳按罷兩袖天香歸後人去已千秋笑倚金粟
樹斜插玉搔頭 憶錢塘今夜月也如鉤題詩欲寄紅
葉又怕水西流誰把琵琶彈恨愁絕多情司馬不是在
江州醉飲玉山裏有霧遶飛樓

張遜

字仲敏號溪
雲吳郡人

鐵網珊瑚張仲敏雙鉤竹往往得摩詰遺意
其松石坡陀又有董北苑法又載遜題趙魏
公帖云鐵鑲銀鈎到者稀漚波亭上墨如飛
後人何處求書法華表千年待鶴歸

又前題

玉樹後庭曲千載有餘愁碧月夜涼人靜曾賦采華游

玉露細搖金縷香霧輕籠翠葆折下一天秋張緒總能
老還自鎖眉頭把鸞箋裁繡句寫銀鈎回文巧成錦
字長恨與江流漠漠梁間燕子款款花邊蝴蝶夢覺却
并州獨感舊時貌還復照西樓

陸祖允

按鐵網珊瑚錢德鈞重鼎水郵隱居記云子
來吳會客於季道陸翰林之宇下近十年季
道爲予卜築於別墅之傍又依綠軒記云季
道爲甫里賢子孫子久客其門束書相隨於
汾湖趙仲時由雋水郵隱居賦序亦云德鈞
先生於中吳久而同客於甫里陸氏之門觀
賦中矧觀遠以爲主兮契金石而弗渝從子
弟以振趨兮視詩書之範模之語是德鈞嘗
教授季道諸子故水郵圖卷內陸祖允陸祖
宣並稱學子此外尙有陸祖凱一詩或卽祖

允昆季行也

菩薩蠻

題趙子昂水村圖

當年圖畫知何處如今身向滄州住吾亦愛吾廬芸窗

幾卷書

青山天際小目送飛鴻杳試問釣魚船蘆花

淺水邊

湯彌昌

字師言吳郡人宋大理少卿壽四世孫初授
長洲教諭鄱江清獻兩書院山長轉建寧路
教授

袁易靜春堂集送湯師言番江書院山長云
風土迢迢吳芮邑送君還憶舊羈棲芝山擁
郭蒼龍卧番水黏雲白雁低遠道故應勞夢
想一官那得限東西莖花芳草江南路千里
秋風入馬蹄

虞美人 前題

翰林妙寫溪村趣茅屋知何處溪翁想像住溪灣一笑
如今家在畫圖間西風門掩蘆花澹聊與漁家伍人
間不信有張翰翦取吳淞空向卷中看

祝英臺近

前題

染秋雲圖澤國野趣入游戲能事何須五日畫一水重
重楊柳陂塘茅茨村落鱸鄉外西風漁計晚烟霽口
有客乘扁舟延緣度疎葦欲訪幽居宛在碧溪尾浩然
目送飛鴻醉歌欵乃溪光裏亂山橫翠

東從周

合肥人

小重山

前題

楊柳絲絲兩岫風前村溪路遠小橋通人家依約水西
東舟一葉移過葦花叢清景迴涵空好山青未了暮
雲重是誰驚起幾征鴻天然趣恰在畫圖中

金

網

嘉興人

踏莎行

題性初徵君破窗風雨圖和王國器韻
見鐵網珊瑚

草帶殘編荷衣斷袂破窗風雨深深閉江南倦客正思
家燭花搖夢來鄉里翠竹簷前碧蕉叢裏秋聲鬪合
愁心碎不教潘鬢總成霜也應有淚如鉛水

張

翬

字翔南其先睦人徙居嘉興吳中人物志云太倉人

又前題

簷宿吳雲風經楚袂門深不似春宵閉碧疏吹霽濕燈
花客鄉無夢尋珂里 翦韭吟邊聽潮浪裏江懸漏杳
歸心碎相思鳩外綠蓑寒一簾蕉響秋如水

杜善夫

山房隨筆杜善甫山東名土工詩不屑仕進
游嚴相之門嚴乃濟南望族善甫為所敬重
一日讒者間之情分浸乖杜謝以詩云高卧
東窗興已成簾鉤無復挂冠聲十年恩愛淪
肌髓只說嚴家好弟兄嚴悟非其過欵密如
初時有掌兵官遠戍於外其妻宴客笙歌終
夕善甫詩曰高燒紅燭照雲鬟沸耳笙歌徹
夜闌不念征西人萬里玉關霜重鐵衣寒聞
者快之有薦之於朝表謝不赴
涵虛子記元詞杜善夫如鳳池春色

太常引

以下見草堂詩餘

碧厨冰簟午風涼都是好風光獨自守空牀淚滴了千
行萬行 別時情意去時言約剛道不思量不是不思
量說著後教人語長

朝中措

汴梁三月正繁華行路見雙娃遍體一身明錦遮塵滿
面鳥紗 車鞍似水留伊無故去落誰家爭奈無人說

與新來憔悴因他

謝醉菴

臨江仙

中書右丞三公行臺揚州公于平陽鄉里
也吾友張鵬翼往依焉于其行歌以送之

詞宗甫遺卷二十一

古

淮海東南佳麗地古今畫品詩題羨君去意拂晴霓腰
錢期跨鶴舞劍異聞雞自笑病來成老懶飛塵杳隔
雲泥他時相憶此分攜月明歸雁過花落子規啼

白髮壯心還未減春風夢繞揚州青山隱隱水悠悠征
帆從蕩漾行李亦風流向日侍郎今右相元龍豪氣

橫秋月明千里鎮淮樓依然青眼舊應不負依劉

鷓鴣天

睡思才消賴有茶老懷剛慰奈無花花隨流水三春盡
柳礙東風一面斜憐病久怯春寒一作多暮雲庭院噪

歸鴉碧雲草就關心句信到吟詩解嘆嗟

浣溪沙 贈琴娃

沈屑微熏睡鴨金朱絃還解解芳心盈盈桃李未春深
天上鸞膠須著意人間鳳曲有知音莫教風雨綠成

陰

劉應雄 字青原西昌人

木蘭花慢 元夕郡侯邀賦

梅妝堪點額覺殘雪未全消忽春遞南枝小窗明透漸
褪寒驕天公似憐人意便挽回和氣做元宵太守公家
事了何妨銀燭高燒旋高鐵鎖粲星橋快燈市客相

邀且同樂時平唱彈弦索對舞纖腰傳柑記陪佳宴待
說來須與換金貂只恐出關人早鷄鳴又報趨朝

劉貴翁

字桂所
廬陵人

滿庭芳

萍

燕子西飛楊花北去春風飄向伊誰盈盈小小輕薄不
堪肥天付風流到骨消不盡流落青池誰知道踏歌朝
暮癡絕待渠歸 惜惜春似酒目痕生紺裙色明漪笑
東家西沼到處依依同是春風種得獨無據飄泊年時
青梅落水光簾影小翠立橫枝

李太古

字古
芸

永遇樂

玉砌標鮮雪園風致似曾相識蟬錦霞香烏絲雲濕吹
渴蟾蜍滴青青白白闕關滑滑寒損銖衣狂客儘聲聲
不如歸去歸也怎生歸得 含桃紅小香芹翠軟惆悵
宜城山色百摺浮嵐幾灣流水那一些兒直落花情味
露花魂夢蒲花消息撫修眉織烏西下爲君凝碧

戀繡衾

橘花風信滿院香摘青梅猶自怕嘗向綠密紅疎處喜
相逢飛下一雙 堪憐堪惜還堪愛喚青衣推上繡窗
暗記得憑肩語對菱花啼損晚妝

南歌子

月下秦淮海花前晏小山二仙仙去幾時還留得月魂
花魄在人間 河漢流旌節天風裊珮環滿空香霧濕
雲鬟何處一聲橫笛杏花寒

虞美人

西風海色秋無際雙淚如鉛水白羊成隊夢初平拄杖
敲雲雲外曉鴻驚 小瓊閑抱銀箏笑問有芳卿否玉
書分付莫開封明日人間臨水拾流紅

卜算子

夢中作

盡道是傷春不是悲秋怨門外分明見遠山人不見空

腸斷 朝來一霎晴薄暮西風遠卻憶黃花小雨聲誤

落下三四點

曾

隸

字橫舟

鎖窗寒

簾下

繡額雲橫銀鈎月小綠楊庭院疎明滿幅永晝未收高
卷愛空紋巧勻曲波弄晴日色花陰轉任篩金影碎輕
敲簷玉礙雙飛燕 疑見窗留篆影六曲雕闌翠深絳
淺香風暗度不隔嬌鬆鶯轉似無情重霧下垂嫩桃想
像添笑臉望瑤堦翠地雙鴛注盼金蓮遠

龍端是

憶舊遊

題南樓

問南樓月色十載相疎何似今宵舊雨菰蒲國想波光
雁影遠撼沉瀟擬蘇堤上楊柳烟碧為誰搖歎庾扇塵
深胡牀夢淺翠減香銷 迢迢謾回首記醉酒江山曾
共金鑣暮色沉西壘幾狂朋來往舟葉招招浩歌拍手
歸去風月兩長橋算此會何時劉郎去後多嫩桃

龍紫蓬

厲鶚名儒草堂詩餘跋此本借鈔于吳君尺
見繡谷亭所藏頗多顛倒殘缺略為校定而
脫字則仍之今年冬日舟艤虎邱山塘書肆
中借得朱竹垞先生家鈔本復改補數字下
卷題滕王閣齊天樂一首添入龍紫蓬姓氏
殊快人意但朱本上卷姓氏多遺落不可解

也雍正庚戌陽月七日題于邗江小玲瓏山館

齊天樂

題滕王閣

雨簾雲棟重尋處青紅半空飛去檻影侵鷗簷光送雁
搖蕩秋容千里歌珠舞翠怎禁得無情一江流水可是
西山半眉新綠向人覷 千年留下賸賞儘登臨無限
須付才思壞堞閑愁危檣往恨欲拍闌干無路新碑舊
記更今古匆匆一番興廢立盡斜陽共誰評半語

黃霽宇

水龍吟

青絲木香

麗華一握青絲金珠粟粟香環裏春窺綺閣新妝風舞

銖衣如碎翠鳳蒼虬騎來下界蝶驚蜂避甚三生富貴
垂垂曉露猶凝滿身珠翠 誰共那人結髮問何時蹇
修為理對花一笑香茸易翦碎金難綴半點芳心亂愁
如織縷絲傳意倩東皇拂拭新條更與作來生計

曾寅孫 山陰人

減字木蘭花

題知歸子日觀葡萄卷 銷夏錄

見劉堅

吳綃蜀繭筆底墨雲飛一片點點秋腴收得驪龍領下
珠 興來一掃惜處有時慳似寶露葉蕭條幾度西風
吹不凋

劉忠之

太常引

送郭復齋

見歷代詩餘

少年南北快飛騰身到處有佳聲蟬社化纔行又出使
餘杭故城 春風滿路堤邊楊柳難繫去留情何處望
雙旌泛千里孤舟月明

章 凱

沁園春

武夷短述

見福建通志

過了秋風梅口漸開山人好歸問近來何事半成迂濶
半添疎懶半帶愁癡學劍不成學書無味却要尋仙入
武夷這些事莫粗忒煞恐是難為 分明說與人知老
谷子胸中奇儘奇有真鑪真鼎龍盤虎踞真離真坎鬼

走烏飛待辨數椽山中靜坐却向無中生箇兒休輕笑
看他年華表鶴有來時

白雲山翁

水調歌頭

兀顏分憲至邑奉和前題
通志

見河南

憶分司時節秋雨正連天官路滿篙流水舟楫駛如川
陌上漫漫泥潦陟遠馬瘖人倦堪賦去來篇雪冷梅花
萼春早綠楊顛問東君春幾許爲君憐浮生恍如蝶
夢栩栩羨高賢客裏漸磨歲月兩眼青山圖畫松翠看
雲眠安得王喬術飛鳥頗通元

釋明本

號中峯錢塘人居吳山聖水寺後居天
目仁宗賜號廣慧禪師賜諡普應國師

筆記天目中峯禪師與趙文敏爲方外交同
院馮海粟學士甚輕之一日松雪強中峯同
訪海粟海粟出所賦梅花百絕句示之中峯
一覽屏走筆成七言律詩如馮之數海粟神
氣頓懾嘗賦行香子詞云若不經意出之
者所謂一天真一一明妙也

行香子

閬苑瀛洲金谷瓊樓算不如茅舍清幽野花繡地莫也
風流却也宜春也宜夏也宜秋酒熟堪筇客至須留
更無榮無辱無憂退閑是好著甚來由但倦時眠渴時
飲醉時謳

覺達

靈巖禪寺僧
號桂庵野衲

鷓鴣天

南陽香山住持桂庵野衲爲靈巖舉公監
寺荷負叢林領畧常住積有年矣乃足庵

門資既稱可字彥高遂作俚語以為贈之
見舉公壽塔碑

頭角崢嶸接九臯襟懷灑落絕纖毫扶持大刹寧辭倦

輔翼叢林不憚勞 心固厚志堅牢足庵門下最英豪

而今戰退姦邪輩不負靈巖舉彥高碑刻大元延祐元年季秋望日小師

子津等同立石在長清縣靈巖寺按長清靈巖寺尚有

亭公壽塔記後刻鷓鴣天一首為至順二年古淵野禩

智文作其詞俚鄙置不復錄

邱處機

字通密登州棲霞人號長春子詔贈長春演道主教真人

碑尾跋云勝地得人而增重得文而增光夷齊不為首陽之隱首陽一邱垤耳名烏乎在義之不在蘭亭之記蘭亭一沼泚耳名烏乎揚是觀東南隅舊結數椽居高臨下揭顏虛亭仙客詠遊騷人觀攬實為勝地真人願真是觀養素礪溪徘徊往來游息其中對景狀

物形為歌詞亭之名因是而愈彰變亂以來是亭廢為邱墟繼世傳道者感慨斯亭之存激節元言之猶在必欲刻堅珉而垂永久建虛亭而復舊觀不失為好古博雅君子也命余略紀其實於是乎書時大蒙古中統五禩歲次甲子仲春岐周白德懋書

水龍吟 題虛亭

鳳鳴南邑清嘉大仙降跡行鸞地琳宮寶閣星壇月觀

槐陰竹翠烟蓋雲幢影搖寒殿往來呈瑞向虛亭東望

平川似錦洪河泛渺天際 水秀水甜人義遍坊村各

生和氣我來不忍輕歸劉蔣今祖庵大重陽宮地名劉蔣村天心地肺

須待他時暗淘真秀育成丹桂去長安路上眠冰卧日

作終身異

漁家傲

夜來又見銀河綻碎翦鵝毛交加亂染畫素山如粉面
路難辨迢迢萬里如鋪練密灑高樓風似箭江邊聽
得漁翁喚玉作棹竿銀索纜船行慢水流冰結梨花綻
碑未署大朝癸卯歲重九日長春園主龐德通立石

無俗念

靈虛宮梨花詞

春遊浩蕩是年年寒食梨花時節白錦無紋香爛漫玉
樹瓊葩堆雪靜夜沉沉浮光靄靄冷浸溶溶月人間天
上爛銀霞照通徹渾似姑射真人天姿靈秀意氣舒
高潔萬化參差誰信道不與群芳同列浩氣清英仙材

卓犖下土難分別瑤臺歸去洞天方看清絕

管道昇

字仲姬吳興人趙孟頫室
延祐四年封魏國夫人

畫史會要管夫人嘗畫懸岬朱竹一枝楊廉
夫題云網得珊瑚枝擲向篔簹谷明年錦綉
兒春風生面目

鐵網珊瑚釋明本題管夫人竹石云竹兮修
石兮貞木之茂草之清魏國作此贈以中了
無一點塵世情風高露冷禪入骨何如切利
口口似老摩耶也教直下雙瞳明後題魏國
夫人管氏深入禪定於富貴中書經之暇尤
精於竹石夫人長往又三白而以中亦爲之
入寂偶見此軸口請着語故不能已言

漁父詞

見歷代詩餘

遙想山堂數樹梅凌寒玉蘂發南枝山月照曉風吹只
爲清香苦欲歸

無名氏女郎

卓珂月詞統此詞當時盛爲馬東籬張小山諸君所服或曰洞天女作詳見元之夢游詞序中詞共十有八闕周勒山林下詞選錄其半

玉蝴蝶

爲甚夜來添病強臨寶鏡憔悴嬌慵一任欵痕鬢亂永
日薰風惱脂消榴紅徑裏羞玉減蝶粉鼓中思悠悠乖
簾獨坐倚遍熏籠朦朧玉人不見羅裁囊寄錦寫牋
封約在春歸夏來依舊各西東粉墻花朝來疑是羅帳
雨夢斷成空最難忘屏邊瞥見野外相逢

詞綜補遺卷二十

後序

舉古人篇什綜核而進退之非博覽無以窮正變非深造無以知得失二者恒不易兼故選家備數代製作則或失之濫守一家門徑則或失之隘而樂府審音尤難國初秀水朱先生以詩文餘力爲長短句其風格出同時諸人上復以撰著餘力編詞綜一書採摭之富鑒別之精亦迥出諸家詞選上無他其所造者深而其所取材者博也自是書出倚聲家奉之如天之有北斗水之有尾閭而古人之精神亦相爲感通凡昔所未顯者今皆見於世青浦王司寇有續編之作曾刻補遺二卷

時陶鳧薌觀察尙未通籍襄同編校每以采摭未廣爲憾於是罄縹緗剔巖穴閱數十寒暑復得唐宋金元詞爲前集所未收者成補遺二十卷君之於詞專門績學爲時弁冕能造前人獨造之境又讀前人未讀之書故是編旣博且精無所多讓而君方欲然不自躉條其義例下問及章章學爲詩於詞無所得顧久從君游讀君之詞亦稍稍窺涯涘焉蓋嘗慨夫詩之敝也以謂詞雖詩之餘而較詩猶近於古何者自元白以詩偶俗好而比興之義左宋儒泥辭以說詩而溫柔敦厚之意疎後之詩人或以鄙俚爲真以議論爲豪以餽飭爲富以佻

巧恠僻爲新奇辭殫意竭無復餘蘊人人優爲之而去古益遠詞則不然諧之以節拍限之以章句其旨婉曲其情矐矐其文華妙而隱秀每卽境以寓懷亦因物以托喻發之若無端索之若無跡超超焉栩栩焉不與人以易盡而感觸於語言之表浮慮不能入也粗才不得騁也澄汰鍛鍊之功不可以倉卒成也使世之稱詩者執筆爲唐宋金元之詞其果能盡合乎否耶且古之詩多人樂其音律不可攷唐樂府初亦以五七言雜和聲歌之天寶以後詞之體成詩遂不復入樂白石道人自註旁行斜上之譜知音者猶得按籍而求其故則雅頌

之遺在此不在彼矣三百篇用韻皆矢口而成鵲巢平
上通江有汜碩人平上去通玘兮上去入通蓋自然之
元音而非後世之所謂叶也詞之韻上去間用平側互
用以抗墜清濁之響成頓挫疾徐之奏卽非古調猶是
古法法存則調雖變而不離其宗豈如未流之詩橫溢
自恣無所隄障者哉雖然詩旣敝詞亦何能不敝比嘗
見靡曼纖瑣有若院本曲者淫媒粗獷有若委巷謳謔
者折楊皇芩往往而是則異乎曾隨之所云雅詞矣不
雅不足以爲詞欲挽不雅而歸之雅非精且博如詞綜
不足以爲法於戲此君補遺之作之所不容已歟君之

書出則朱先生之書益以顯使學者知詞雖末藝猶不
可以淺陋爲將由詞而推之詩以進乎比興之風溫柔
敦厚之教則斯文之復古惟君其倡之哉若乃發潛幽
正訛僞進善而退惡以政事通乎聲音而探風雅之本
原又不僅以詞人撰述目之斯誠足補朱先生所未逮
矣章不敏無以贊君敢抒方隅之見附名簡末道光甲
午孟春大興李雲章

之錦軸披芸旣富羨雅製於大晟緝柳彌勤屏淫哇於
下里窈眇契姜張之旨婉約抒秦晏之情小令則嗣軌
李唐長調亦取材趙宋絲懸鐵網五百家備列前賢墨
灑金壺三十卷兼賅往代洵足洗草堂類編之舛陋破
渚山詞話之拘墟矣惟是宛委山幽莫窮雲笈琅嬛室
邃間秘瑤函未免搜片玉而縈懷索遺珠而興慨鳧薈
觀察覃思著述託興詞章綜鈐鍵於九流溯津涯於七
錄彩毫修史義釋桃萊烏几橫經文參柳穀爰以逸篇
之補葺復爲踵事之增華體例無殊搜羅益廣舉凡文
林著錄藝苑儲藏甲乙四部之浩繁大小二山之深窈

以及芝圖木序羽客靈談鹿苑龍宮緇徒梵夾靡不窮
搜虹岫博訪鴻都驅舊蠹於青箱裒古香於綠帙重以
水村倚權樹隱殘碑石徑停車苔迷斷碣亦復響榻麝
煤之瀋閒開魚繭之封蓋自發軔江東已勤掌錄比及
分符薊北更爇心香歷卅年而習近居蘭不少一瓿之
借積廿卷而數逾束筍頻勞三徑之開詞客有靈緬音
容而若接斯文未墜留姓氏以難湮旣闡幽而表微亦
拾遺而補闕固不僅鍾律標其新義風雅振其遺音已
也長卿耳學難充有慙蠶守心源久涸每類螢枯近因
檢覈鼓編重屬鈎稽副墨正許綠紉紅之誤方期分照

於然藜析魯魚亥豕之疑惟冀程功於埽葉云爾
道光甲午孟夏朔錢塘吳長卿撰



